

SKUPŠTINA KANTONA SARAJEVO

Z A P I S N I K

**SA 32. RADNE SJEDNICE SKUPŠTINE KANTONA SARAJEVO
ODRŽANE 31.07.2017. GODINE SA POČETKOM RADA U 10,00 SATI**

U SALI GRADSKOG VIJEĆA

Sarajevo, juli 2017.

Predsjedateljica Ana Babić (u daljem tekstu predsjedateljica) je pozdravila sve prisutne i otvorila 32. Radnu sjednicu Skupštine Kantona Sarajevo.

Prema evidenciji Službe, sjednici prisustvuje 31 zastupnik, što je potpuno dovoljno za punovažan rad i odlučivanje.

Izostanak sa ove sjednice opravdali su: Srna Segmedina Bajramović, Sabina Ćudić, Neira Dizdarević i Sabahudin Delalić.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Dovadžija Amar
5. Mešanović Safet
6. Kozadra Muhamed
7. Mašović Amor
8. Okerić Elmedin
9. Prevljak Fikret

DEMOKRATSKA FRONTA – ŽELJKO KOMŠIĆ

1. Kerla Bibija

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Filipović Selma
4. Fahrudin Pecikoza
5. Marić Zvonko
6. Rađo Dževad
7. Rasim Lakota

SOCIJALDEMOKRATSKA PARTIJA BOSNE I HERCEGOVINE

1. Šućur Slaviša

NAŠA STRANKA

1. Forto Edin
2. Kojović Predrag

BOSANSKA STRANKA – MIRNES AJANOVIĆ

1. Haris Pleho
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel
4. Akšamija Goran
5. Bukva Sejo
6. Mehmedagić Mersiha
7. Pindžo Mirsad
8. Vukasović Mario

UTVRĐIVANJE DNEVNOG REDA

Predsjedateljica je informisala da je Prijedlog dnevnog reda 32. Radne sjednice Skupštine Kantona Sarajevo utvrdio je Kolegij Skupštine koji je održan 19.07.ove godine.

Na osnovu člana 73. Poslovnika Skupštine Kantona Sarajevo Kolegij Skupštine Kantona Sarajevo prihvatio je zahtjev da se Prijedlog dnevnog reda 32. Radne sjednice, dopuni sa sljedećim tačkama:

1. *Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo; (razmatraće se kao tačka 10.)*
2. *Prijedlog odluke o davanju ovlaštenja za obavljanje funkcije sekretara Skupštine Kantona Sarajevo; (razmatraće se kao tačka 11.)*
3. *Prijedlog odluke o standardima i kriterijima za imenovanje na poziciju članova Nezavisnog odbora; (razmatraće se kao tačka 12. a)*
4. *Prijedlog odluke o standardima i kriterijima za imenovanje predsjednika i članova Nadzornog odbora Kantonalne agencije za privatizaciju;(razmatraće se kao tačka 12 b.)*

Predsjedateljica je napomenula da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda.

U okviru prethodnog postupka uslijedilo je odlučivanje o razmatranju Prijedloga zakona o izmjenama i dopunama Zakona o turizmu po hitnom postupku.

Premijer Elmedin Konaković je podnio uvodne napomene te obrazložio zašto ovaj Prijedlog zakona treba da se razmatra po hitnom postupku. Nakon uvodnih napomena pitanja i diskusiju imali su zastupnik Edin Forto, zastupnik Fahrudin Pecikoza, zastupnik Zvonko Marić i zastupnik Mirsad Pindžo.

Nakon diskusije, Predsjedateljica je pozvala zastupnike da se izjasne da li će se Prijedlog zakona o izmjenama i dopunama Zakona o turizmu razmatrati po hitnom postupku.

ZASTUPNICI SU PRISTUPILI IZJAŠNJAVANJU I NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (27 "ZA", 3 "PROTIV" I 1 "SUZDRŽAN") PRIHVATILA DA SE PRIJEDLOG ZAKONA O IZMJENAMA I DOPUNAMA ZAKONA O TURIZMU RAZMATRA PO HITNOM POSTUPKU.

Također, u okviru prethodnog postupka uslijedilo je razmatranje donošenja Prijedloga zakona o izmjenama i dopunama Zakona o osnovnom odgoju i obrazovanju po hitnom postupku.

Ministar za obrazovanje, nauku i mlade Elvir Kazazović je podnio uvodne napomene i nakon njegovog izlaganja predsjedateljica je pozvala zastupnike na izjašnjavanje.

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (26 "ZA", 2 "PROTIV" I 2 "SUZDRŽANA") PRIHVATILA DA SE PRIJEDLOG ZAKONA O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU RAZMATRA PO HITNOM POSTUPKU.

Prije izjašnjavanja o dnevnom redu 32.sjednice Ksupštine, predsjedateljica je predložila, a zastupnici su prihvatili da se tačka 1.Poslanička/zastupnička pitanja, inicijative i odgovori ostavi kao posljednja na dnevnom redu.

SKUPŠTINA KANTONA SARAJEVO JE JEDNOGLASNO USVOJILA SLJEDEĆI DNEVNI RED:

1. Prijedlog Amandmana L do LVII na Ustav Kantona Sarajevo;
2. Prijedlog odluke o proglašenju Amandmana L do LVII na Ustav Kantona Sarajevo;
3. Prijedlog zakona o izmjenama i dopunama Zakona o turizmu (hitni postupak);
4. Prijedlog zakona o izmjenama i dopunama Zakona o osnovnom odgoju i obrazovanju (hitni postupak);
5. Prijedlog zakona o visokom obrazovanju;
6. Prijedlog zakona o proglašenju Zaštićenog pejzaža "Bentbaša"
7. Prijedlog odluke o osnivanju Kantonalne javne ustanove za zaštićena prirodna područja;
8. Prijedlog odluke o davanju saglasnosti na Sporazum o izgradnji poslovnog objekta – vrtića „Razigrani dani” i način i uslovi korištenja istog sa Općinom Centar Sarajevo i davanje saglasnosti ministru za obrazovanje, nauku i mlade, za zaključivanje Sporazuma o izgradnji poslovnog objekta – vrtića „Razigrani dani” i način i uslovi korištenja istog sa Općinom Centar Sarajevo;
9. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
10. Prijedlog odluke o davanju ovlaštenja za obavljanje funkcije sekretara Skupštine Kantona Sarajevo;
11. a)Prijedlog odluke o standardima i kriterijima za imenovanje na poziciju članova Nezavisnog odbora;
b)Prijedlog odluke o standardima i kriterijima za imenovanje predsjednika i članova Nadzornog odbora Kantonalne agencije za privatizaciju;

12. Prijedlog odluke o izmjeni Odluke o preuzimanju prava osnivača Javne ustanove Studentski centar Sarajevo u dijelu kojim obezbjeđuje životni standard studenata („Službene novine Kantona Sarajevo“, broj: 24/00, 21/06 i 45/15);
13. Prijedlog odluke o davanju saglasnosti na Nacrt sporazuma o regulisanju međusobnih prava i obaveza između Kantona Sarajevo - Ministarstvo saobraćaja i Općine Trnovo na zajedničkoj izgradnji podzemne garaže na Bjelašnici;
14. Prijedlog odluke kojom se Ministarstvu za boračka pitanja Kantona Sarajevo daje saglasnost da može pristupiti potpisivanju Anexa na Ugovor o udruživanju sredstava za dodjelu stana u vlasništvo pripadnicima boračkih populacija broj OPU-IP: 373/2017 od 03.05.2017. godine, koji će biti zaključen pred Jasminom Selimović, notarom iz Sarajeva između „Fonda Kantona Sarajevo za izgradnju stanova za članove porodica šehida i poginulih boraca, ratnih vojnih invalida, demobilisane borce i prognane osobe“ kao prodavca i Ministarstva za boračka pitanja Kantona Sarajevo, kao udružioca sredstava, kojim je izmijenjena obaveza Ministarstva za boračka pitanja tako da umjesto 907.857,30 KM koliko je bilo predviđeno osnovnim Ugovorom koji je predmet Anexa, obaveza treba iznositi 982.957,20 KM.
15. Prijedlog odluke o davanju naziva novoizgrađenoj ulici u naselju Donja Vogošća na području Općine Vogošća;
16. Prijedlog odluke o izmjeni naziva ulice, odnosno preimenovanju ulice na području Općine Stari Grad;
17. Prijedlog odluke o davanju naziva dijela šetnice na području Općine Stari Grad;
18. Izvještaj o poslovanju KJKP „Vodovod i kanalizacija“ d.o.o. Sarajevo za 2016. godinu;
19. Prijedlog zaključka o prijedlogu mjera za sanaciju i reorganizaciju KJKP „Gradski saobraćaj“ d.o.o. Sarajevo;
20. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo.
21. Poslanička/zastupnička pitanja, inicijative i odgovori

- 0 -

Prije realizacije prve tačke dnevnog reda razmatran je Zapisnik sa Stenogramom sa 31. Radne sjednice Skupštine Kantona Sarajevo.

a)

SKUPŠTINA JE JEDNOGLASNO (31 "ZA") POTVRDILA ZAPISNIK 31. RADNE SJEDNICE SKUPŠTINE KANTONA SARAJEVO ODRŽANE 05.07.2017.GODINE.

AD – 2.

PRIJEDLOG AMANDMANA L DO LVII NA USTAV KANTONA SARAJEVO

Prijedlog amandmana su zastupnici dobili uz poziv za sjednicu.

Ministar pravde i uprave Mario Nenadić je podnio uvodne napomene a nakon njegovog izlaganja Skupštini se obratio i premijer Elmedin Konaković.

Poslanik/zastupnik Amor Mašović kao predstavnik Komisije za ustavna pitanja se zahvalio ministru Nenadiću na ulozi u vođenju javne rasprave te službenicima ministarstva i naglasio da je javna rasprava rezultirala i dodavanjem nova dva amandmana LVI i LVII u odnosu prvi kontingent predloženih pet amandmana.

Uslijedila je diskusija u kojoj su učestvovali: zastupnik Zvonko Marić, zastupnik Dževad Rađo, zastupnik Amor Mašović, zastupnik Predrag Kojović, zastupnik Rasim Lakota, zastupnik Mirsad Pindžo, zastupnik Slaviša Šućur i zastupnik Mario Vukasović.

Nakon diskusije Skupštini su se obratili ministar Mario Nenadić i premijer Elmedin Konaković.

Prije izjašnjavanja po Amandmanima uslijedila je pauza u radu Skupštine u trajanju od sat vremena.

NASTAVAK NAKON PAUZE

Premijer Elmedin Konaković je informisao da je zajedno sa ministrom obavio sastanak sa četiri načelnika gradskih opština i gradonačelnikom Skakom o pitanju na koji su oni imali dilemu, da se prenosom nadležnosti na Grad ne urušava dio nadležnosti lokalnih zajednica.

USLIJEDILO JE IZJAŠNJAVANJE PO AMANDMANIMA NA USTAV KANTONA SARAJEVO:

AMANDMAN L

U članu 4a. Ustava Kantona Sarajevo, koji je dodat Amandmanom I na Ustav Kantona Sarajevo, st. 2. i 3. mijenjaju se i glase:

„Član 4a.

„Grad ima Statut, koji mora biti u skladu s Ustavom Federacije Bosne i Hercegovine, ovim ustavom i zakonom i principima koji su tim propisima utvrđeni. Statutom Grada uređuju se i pitanja od vitalnog nacionalnog interesa, u skladu sa principima utvrđenim u Ustavu Federacije i Ustavu Kantona.“

ZASTUPNICI SU PRISTUPILI IZJAŠNJAVANJU PO OVOM AMANDMANU I NAKON IZJAŠNJAVANJA KONSTATOVANO JE DA JE, SKUPŠTINA VEĆINOM GLASOVA (27 "ZA" I 4 "SUZDRŽANA") PRIHVATILA AMANDMAN L.

AMANDMAN LI

U članu 4b. Ustava Kantona Sarajevo, koji je dodat Amandmanom II na Ustav Kantona Sarajevo, stav 3. mijenja se i glasi:

Grad ima Gradsko vijeće koje se sastoji od jednakog broja vijećnika iz svake općine, s tim da se ne može imati manje od 15 niti više od 31 vijećnik.

Broj vijećnika, izborna procedura i dužina trajanja mandata gradskih vijećnika se utvrđuje Statutom Grada, u skladu sa zakonom.

Bošnjacima, Hrvatima i Srbima, kao konstitutivnim narodima, pojedinačno se garantuje minimum od 20% mjesta u Gradskom vijeću, a pripadnicima Ostalih najmanje dva mjesta, bez obzira na izborne rezultate.“

ZASTUPNICI SU PRISTUPILI IZJAŠNJAVANJU PO OVOM AMANDMANU I NAKON IZJAŠNJAVANJA KONSTATOVANO JE DA JE, SKUPŠTINA VEĆINOM GLASOVA (25 "ZA", 2 "PROTIV" I 4 "SUZDRŽANA") PRIHVATILA AMANDMAN LI.

AMANDMAN LII

Iza člana 4b) dodaju se novi čl. 4c), 4d) i 4e), koji glase:

„Član 4c)

Mandat gradskih vijećnika jednak je mandatu općinskih vijećnika koji se delegiraju u Gradsko vijeće.

Gradsko vijeće:

1. priprema i dvotrećinskom većinom usvaja Statut Grada,
2. bira gradonačelnika i zamjenike gradonačelnika, u skladu sa zakonom,
3. donosi budžet Grada,
4. donosi propise u izvršavanju vlastitih nadležnosti i prenesenih ovlaštenja,
5. vrši druga ovlaštenja utvrđena ustavom, zakonom i Statutom Grada.

Način odlučivanja Gradskog vijeća utvrđuje se Statutom Grada.

Grad ima gradonačelnika i zamjenike gradonačelnika, koji ne mogu biti iz istog konstitutivnog naroda i Ostalih.

Mandat gradonačelnika i zamjenika gradonačelnika traje koliko i mandat gradskih vijećnika.

Broj zamjenika gradonačelnika, ovlaštenja zamjenika gradonačelnika i odnosi zamjenika gradonačelnika sa gradonačelnikom utvrđuju se Statutom Grada.

Gradonačelnik je nadležan za:

1. provođenje gradske politike i izvršavanje gradskih propisa, kao i prenesenih nadležnosti,
2. imenovanje i smjenjivanje državnih službenika i namještenika,
3. osiguranje saradnje državnih službenika i namještenika s ombudsmenima,
4. podnošenje izvještaja Gradskom vijeću i javnosti o provođenju gradske politike,
5. vrši i druga ovlaštenja utvrđena zakonom i Statutom Grada.

Gradski organi osnivaju se u skladu sa zakonom kojim se uređuje organizacija uprave u Federaciji Bosne i Hercegovine.

Član 4d)

Vlastite nadležnosti Grada su:

1. osiguranje i zaštita ljudskih prava i osnovnih sloboda u skladu sa ustavom;
2. donošenje budžeta Grada i organizovanje efikasne gradske uprave prilagođene potrebama Grada;
3. donošenje programa i planova razvoja Grada i stvaranje uslova za privredni razvoj i zapošljavanje, rad dobrotvornih organizacija i unapređenje turizma;
4. utvrđivanje i provođenje politike planiranja i uređenja prostora i zaštite okoliša na teritoriji Grada i rješavanje u upravnom postupku u oblasti građenja, u skladu sa zakonom;
5. utvrđivanje politike korištenja i utvrđivanje visine naknada za korištenje javnih dobara od interesa za Grad, upravljanje prirodnim resursima od značaja za Grad i raspodjela sredstava ostvarenih po osnovu njihovog korištenja;
6. upravljanje i raspolaganje imovinom Grada;
7. upravljanje, finansiranje i unapređenje djelatnosti i objekata gradske komunalne infrastrukture:
 - a. gradska groblja;
 - b. mostovi od posebnog značaja za Grad;
 - c. gradska ulična rasvjeta;
 - d. gradski parkovi;
8. odlučivanje o raspolaganju stanovima u vlasništvu Grada i visini zakupnine za korištenje stanova koji su u vlasništvu Grada, propisivanje pravila održavanja reda u stambenim zgradama na području Grada, obezbjeđivanje sredstava za radove radi zaštite objekata od kulturno-istorijskog značaja na području Grada, uređivanje i obezbjeđivanje korištenja poslovnog prostora kojim upravlja Grad, utvrđivanje visine naknade za korištenje poslovnih prostora u vlasništvu Grada i vršenje nadzora nad njihovim korištenjem;
9. određivanje imena ulica i trgova na području Grada;
10. donošenje propisa o uslovima, izgradnji i održavanju spomenika, spomeničkih i sličnih obilježja na području Grada;
11. osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta od značaja odnosno posebnog interesa za Grad ;
12. utvrđivanje osnova zajedničke politike razvoja kulture, fizičke kulture, sporta, odmora i rekreacije građana na području Grada i organizovanje odnosno učestvovanje u organizovanju kulturnih i sportskih manifestacija i sportskih takmičenja od značaja za Grad;
13. analiza stanja javnog reda i mira, bezbjednosti ljudi i imovine, te predlaganje mjera prema organima nadležnim za ova pitanja;
14. donošenje propisa o porezima, naknadama, doprinosima i taksama iz nadležnosti Grada;
15. uspostavljanje i vršenje inspekcijskog nadzora nad izvršavanjem propisa iz vlastitih nadležnosti Grada;
16. raspisivanje referenduma za područje Grada;
17. raspisivanje samodoprinosa, javnog zajma i odlučivanje o zaduženju Grada;
18. osnivanje i obezbjeđivanje uslova rada gradskih radio i TV stanica, štampanih glasila i drugih sredstava javnog informisanja;
19. poticanje razvoja civilnog društva;
20. zaštita životinja.

Obavljanje pojedinih poslova iz stava 1. ovog člana Grad može, u skladu sa zakonom, povjeriti ustanovama, privrednim društvima, drugim pravnim licima i obrtnicima.

Član 4e)

Općine koje nisu u sastavu Grada i Grad zajednički upravljaju, finansiraju i unapređuju djelatnosti i objekte nedjeljive komunalne infrastrukture, i to:

1. vodo snabdijevanje, odvođenje i prerada otpadnih voda;
2. održavanje javne čistoće i upravljanje čvrstim otpadom;
3. snabdijevanje prirodnim gasom;
4. daljinsko grijanje i
5. organizovanje i unapređenje gradskog javnog prevoza.

Općine koje nisu u sastavu Grada i Grad mogu povjeriti obavljanje poslova iz stava 1. Ovog člana Kantonu.

ZASTUPNICI SU PRISTUPILI IZJAŠNJAVANJU PO OVOM AMANDMANU I NAKON IZJAŠNJAVANJA KONSTATOVANO JE DA JE, SKUPŠTINA VEĆINOM GLASOVA (25 "ZA" I 6 "PROTIV") PRIHVATILA AMANDMAN LII.

AMANDMAN LIII

Iza člana 5. dodaje se član 5a., koji glasi: “. Službeni jezici u Kantonu su: bosanski jezik, hrvatski jezik i srpski jezik, a službena pisma su latinica i ćirilica. Ostali jezici mogu se koristiti kao sredstvo komunikacije i nastave.

Odredbe Ustava odnose se podjednako na osobe muškog i ženskog spola, bez obzira na rod imenice upotrijebljene u tekstu.”

ZASTUPNICI SU PRISTUPILI IZJAŠNJAVANJU PO OVOM AMANDMANU I NAKON IZJAŠNJAVANJA KONSTATOVANO JE DA JE, SKUPŠTINA JEDNOGLASNO (31 "ZA") PRIHVATILA AMANDMAN LIII.

AMANDMAN LIV

U članu 12. uvodna rečenica mijenja se i glasi: “Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za:”.

ZASTUPNICI SU PRISTUPILI IZJAŠNJAVANJU PO OVOM AMANDMANU I NAKON IZJAŠNJAVANJA KONSTATOVANO JE DA JE, SKUPŠTINA JEDNOGLASNO (31 "ZA") PRIHVATILA AMANDMAN LIV.

AMANDMAN LV

U članu 38. stav 2. mijenja se i glasi: „Općina i Grad imaju pravo na odgovarajuće izvore finansiranja kojima slobodno raspolažu u okviru svojih ovlaštenja, kao i na sredstva za obavljanje delegiranih ili prenesenih poslova iz okvira prava i dužnosti Kantona.“

Iza stava 2. dodaju se novi st. 3, 4 i 5., koji glase:

„Općina i Grad ostvaruju prihode oporezivanjem, zaduživanjem i na drugi način u skladu sa zakonom.

U skladu sa utvrđenom fiskalnom politikom, kantonalnim zakonom se utvrđuju vrste poreza, naknada, doprinosa i taksi koji u cijelosti ili djelimično pripadaju općini i Gradu kao izvorni prihodi.

Jedan dio finansijskih izvora općina i Grad ostvaruju od lokalnih taksi i naknada čiju stopu samostalno utvrđuju u okviru zakona.“

Dosadašnji stav 3. postaje stav 6.

ZASTUPNICI SU PRISTUPILI IZJAŠNJAVANJU PO OVOM AMANDMANU I NAKON IZJAŠNJAVANJA KONSTATOVANO JE DA JE, SKUPŠTINA JEDNOGLASNO (31 "ZA") PRIHVATILA AMANDMAN LV.

AMANDMAN LVI

Iza člana 39. Ustava Kantona dodaje se novi član 39a-Imovina jedinica lokalne samouprave koji glasi:

„Općine i Grad imaju pravo na pokretnu i nepokretnu imovinu.

Imovinom se smatraju stvari, prava i novčana sredstva koja su stečena kupovinom ili na drugi način u skladu sa zakonima Bosne i Hercegovine, Federacije i Kantona.

Imovinom općine odnosno Grada upravlja općinsko, odnosno Gradsko vijeće, na način utvrđen statutom.“

ZASTUPNICI SU PRISTUPILI IZJAŠNJAVANJU PO OVOM AMANDMANU I NAKON IZJAŠNJAVANJA KONSTATOVANO JE DA JE, SKUPŠTINA JEDNOGLASNO (31 "ZA") PRIHVATILA AMANDMAN LVI.

AMANDMAN LVII

Iza člana 51. Ustava Kantona dodaje se novi član 52. Koji glasi:

„Skupština Kantona Sarajevo će kantonalne zakone kojima je uređena lokalna samouprava i pripadnost javnih prihoda uskladiti sa ovim amandmanima i njima urediti pitanja nadležnosti i odgovornosti Grada i općina, njihove međusobne odnose i načina finansiranja.

Prenos i preuzimanje nadležnosti i finansijskih sredstava za njihovo obavljanje izvršiće se najkasnije u roku od dvije godine od stupanja na snagu ovih amandmana.“

ZASTUPNICI SU PRISTUPILI IZJAŠNJAVANJU PO OVOM AMANDMANU I NAKON IZJAŠNJAVANJA KONSTATOVANO JE DA JE, SKUPŠTINA VEĆINOM GLASOVA (25 "ZA" I 6 "PROTIV") PRIHVATILA AMANDMAN LVII.

AD – 3.

PRIJEDLOG ODLUKE O PROGLAŠENJU AMANDMANA L DO LVII NA USTAV KANTONA SARAJEVO

Predsjedateljica je informisala da Prijedlog ove Odluke formalno slijedi nakon usvajanja amandmana na Ustav, te stoga o istoj nema potrebe voditi diskusiju.

I

Proглаšavaju se Amandman L do LVII na Ustav Kantona Sarajevo, koji je donijela Skupština Kantona Sarajevo, na sjednici održanoj 31.07.2017.godine.

II

Amandmani L do LVII na Ustav Kantona Sarajevo čine sastavni dio Ustava Kantona Sarajevo.

III

Amandmani L do LVII na Ustav Kantona Sarajevo stupaju na snagu u ponoć dana 31.07.2017. godine, kada ih je usvojila Skupština Kantona Sarajevo.

IV

Amandmani L do LVII na Ustav Kantona Sarajevo i ova odluka objaviće se u «Službenim novinama Kantona Sarajevo»

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ODLUKE PROGLAŠENJU AMANDMANA L DO LVII NA USTAV KANTONA SARAJEVO.

NAKON IZJAŠNJAVANJA, PREDSJEDATELJICA JE KONSTATOVALA DA JE SKUPŠTINA VEĆINOM GLASOVA (25 "ZA" I 6 "PROTIV") DONIJELA ODLUKU O PROGLAŠENJU AMANDMANA L DO LVII NA USTAV KANTONA SARAJEVO.

AD – 4.

PRIJEDLOG ZAKONA O IZMJENAMA I DOPUNAMA ZAKONA O TURIZMU (HITNI POSTUPAK)

Prijedlog zakona su zastupnici dobili uz poziv za sjednicu.

Pitanja za predlagača postavili su zastupnica Bibija Kerla i zastupnik Edin Forto.

Ministar privrede Muharem Šabić je dao odgovore na pitanja zastupnika.

U diskusiji po ovom Prijedlogu zakona učestvovali su: dopredsjedavajući Sejo Bukva, zastupnik Edin Forto, zastupnik Slaviša Šućur, zastupnica Bibija Kerla, zastupnik Mario Vukasović i zastupnik Mirsad Pindžo.

Skupštini se dodatno obratio i premijer Elmedin Konaković.

Uslijedilo je izjašnjavanje po amandmanima na Prijedlog zakona o izmjenama i dopunama zakona o turizmu:

AMANDMANI KLUBA SAMOSTALNIH ZASTUPNIKA:

AMANDMAN I

Član 11.

(Brisanje člana 108) – **Briše se.**

**NA ZAHTJEV ZASTUPNIKA MIRSADA PINDŽE IZJAŠNJAVANJE SE OBAVILO
POJEDINAČNO:**

Sekretar po ovlaštenju, Almira Kulovac Šetkić:

1. Ademović Kemal – SUZDRŽAN
2. Akšamija Goran - ZA
3. Aljović Hamed - PROTIV
4. Babić Ana – SUZDRŽANA
5. Bajrović Izudin - SUZDRŽAN
6. Bjelak Nermin - SUZDRŽAN
7. Bukva Sejo - ZA
8. Čelik Mirza - PROTIV
9. Čomor Eldar - PROTIV
10. Ćudić Sabina – OPRAVDANO ODSUTNA
11. Delalić Sabahudin – OPRAVDANO ODSUTAN
12. Dizdarević Neira – OPRAVDANO ODSUTNA
13. Dovadžija Amar - SUZDRŽAN
14. Filipović Selma – PROTIV
15. Forto Edin - ZA
16. Halilović Semir – PROTIV
17. Kerla Bibija - ZA
18. Kojović Predrag - ZA
19. Kozadra Muhamed – PROTIV
20. Lakota Rasim - PROTIV
21. Marić Zvonko - SUZDRŽAN
22. Mašović Amor - PROTIV
23. Mehmedagić Mersiha – ZA
24. Mekić Amel – PROTIV
25. Mešanović Safet - PROTIV
26. Okerić Elvedin – SUZDRŽAN
27. Pecikoza Fahrudin - PROTIV
28. Pindžo Mirsad - ZA
29. Pleho Haris - ZA
30. Prevljak Fikret - PROTIV
31. Rađo Dževad - PROTIV
32. Smajić Rasim - SUZDRŽAN
33. Srna-Bajramović Segmedina – OPRAVDANO ODSUTNA
34. Šućur Slaviša - ZA
35. Vukasović Mario – ZA

PREDSJEDATELJICA JE KONSTATOVALA DA JE 10 ZASTUPNIKA GLASALO "ZA", 13 "PROTIV" I 8 "SUZDRŽANO" TE DA SKUPŠTINA NIJE PRIHVATILA OVAJ AMANDMAN.

AMANDMAN II

Član 12. (Brisanje člana 109) – Briše se.

NA ZAHTJEV ZASTUPNIKA MIRSADA PINDŽE USLIJEDILO JE POJEDINAČNO IZJAŠNJAVANJE PO AMANDMANU II KLUBA SAMOSTALNIH ZASTUPNIKA.

Sekretar po ovlaštenju, Almira Kulovac Šetkić:

1. Ademović Kemal – ZA
2. Akšamija Goran - ZA
3. Aljović Hamed - PROTIV
4. Babić Ana – PROTIV
5. Bajrović Izudin - SUZDRŽAN
6. Bjelak Nermin - ZA
7. Bukva Sejo - ZA
8. Čelik Mirza - PROTIV
9. Čomor Eldar - SUZDRŽAN
10. Ćudić Sabina – OPRAVDANO ODSUTNA
11. Delalić Sabahudin – OPRAVDANO ODSUTAN
12. Dizdarević Neira – OPRAVDANO ODSUTNA
13. Dovadžija Amar - SUZDRŽAN
14. Filipović Selma – PROTIV
15. Forto Edin - ZA
16. Halilović Semir – PROTIV
17. Kerla Bibija - ZA
18. Kojović Predrag - ZA
19. Kozadra Muhamed – ODSUTAN
20. Lakota Rasim - PROTIV
21. Marić Zvonko - SUZDRŽAN
22. Mašović Amor - PROTIV
23. Mehmedagić Mersiha – ZA
24. Mekić Amel – PROTIV
25. Mešanović Safet - PROTIV
26. Okerić Elvedin – SUZDRŽAN
27. Pecikoza Fahrudin - PROTIV
28. Pindžo Mirsad - ZA
29. Pleho Haris - SUZDRŽAN
30. Prevljak Fikret - PROTIV
31. Rađo Dževad - PROTIV
32. Smajić Rasim - SUZDRŽAN
33. Srna-Bajramović Segmedina – OPRAVDANO ODSUTNA
34. Šućur Slaviša - ZA
35. Vukasović Mario – ZA

NAKON POJEDINAČNOG IZJAŠNJAVANJA, KONSTATOVANO JE DA SKUPŠTINA (11 "ZA", 12 "PROTIV" I 7 "SUZDRŽANIH) NIJE PRIHVATILA AMANDMAN II KLUBA SAMOSTALNIH ZASTUPNIKA.

NAKON IZJAŠNJAVANJA PO AMANDMANIMA NA OVAJ PRIJEDLOG ZAKONA, USLIJEDILO JE IZJAŠNJAVANJE PO PRIJEDLOGU ZAKONA O IZMJENAMA I DOPUNAMA ZAKONA O TURIZMU.

SKUPŠTINA KANTONA SARAJEVO JE VEĆINOM GLASOVA (23 "ZA" I 8 "PROTIV") DONIJELA ZAKON O IZMJENAMA I DOPUNAMA ZAKONA O TURIZMU.

AD – 5.

PRIJEDLOG ZAKONA O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU (HITNI POSTUPAK)

Prijedlog zakona su zastupnici dobili uz poziv za sjednicu.

Predsjedateljica je informisala sljedeće: "Zakonodavno-pravna komisija je na sjednici 26.07.2017. godine razmatrala predloženi Zakon i dala mišljenje da postoji pravni osnov za donošenje Prijedloga zakona, ali odredba člana 1. Prijedloga zakona nije u skladu sa Zakonom o radu Federacije Bosne i Hercegovine u kojem nije definisano mirovanje prava iz radnog odnosa imenovanih i izabranih zvaničnika."

Predsjedateljica je naglasila i sljedeće: "Podsjećam da član 139. Poslovnika propisuje da u slučaju ovakvog stava Zakonodavno-pravne komisije, Skupština će prethodno zauzeti stav o mišljenju komisije. Ukoliko Skupština podrži mišljenje Komisije prijedlog zakona će se smatrati odbijenim."

DISKUSIJE O STAVU KOMISIJE NIJE BILO, PA JE PREDSJEDATELJICA POZVALA ZASTUPNIKE NA IZJAŠNJAVANJE I SKUPŠTINA (11 "ZA", 1 "PROTIV" I "SUZDRŽANO" 15) NIJE PODRŽALA MIŠLJENJE ZAKONODAVNO PRAVNE KOMISIJE.

Ministar za obrazovanje, nauku i mlade Elvir Kazazović je podnio uvodne napomene, a Skupštini se još i obratio premijer Elmedin Konaković.

U diskusiji koja je uslijedila učestvovali su sljedeći zastupnici: Bibija Kerla, Čomor Eldar, Mersiha Mehmedagić, Mario Vukasović i zastupnik Zvonko Marić.

Nakon diskusije uslijedilo je izjašnjavanje po Amandmanu Kluba samostalnih zastupnika:

Amandman I

Član 1. - Briše se.

SKUPŠTINA (8 "ZA", 4 "PROTIV" I 17 "SUZDRŽANO") NIJE PRIHVATILA AMANDMAN KLUBA SAMOSTALNIH ZASTUPNIKA.

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU.

NAKON IZJAŠNJAVANJA PREDsjedATELJICA JE KONSTATovala DA JE SKUPŠTINA VEĆINOM GLASOVA (25 "ZA" I 4 "SUZDRŽANA") DONIJELA ZAKON O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU.

AD – 6.

PRIJEDLOG ZAKONA O VISOKOM OBRAZOVANJU

Prijedlog zakona su zastupnici dobili uz poziv za sjednicu.

Uvodne napomene po Prijedlogu zakona o visokom obrazovanju podnio je ministar za obrazovanje, nauku i mlade Elvir Kazazović.

Nakon uvodnih napomena pitanja i diskusiju su imali sljedeći zastupnici: Selma Filipović, Zvonko Marić, Semir Halilović, Predrag Kojović, Izudin Bajrović, Slaviša Šućur, Sejo Bukva Dževad Rađo, Zvonko Marić, Eldar Čomor, Mersiha Mehmedagić, Mirza Čelik, Bibija Kerla i Mario Vukasović.

Skupštini su se obratili i rektor Univerziteta u Sarajevu prof dr. Rifat Škrijelj te Jasmin Velagić predsjednik Sindikata.

Odgovore i dodatna obrazloženja dali su ministar Elvir Kazazović, pomoćnik ministra Sifet Kukuruz i premijer Elmedin Konaković.

Od amandmana na Prijedlog zakona o visokom obrazovanju odustali su Klub zastupnika SBB, Klub samostalnih zastupnika, zastupnik Mario Vukasović i Naša stranka.

USLIJEDILO JE IZJAŠNJAVANJE PO PRIJEDLOGU ZAKONA O VISOKOM OBRAZOVANJU I S OBZIROM DA JE IZRAŽENA SUMNJA U GLASANJE, USLIJEDILO JE POJEDINAČNO IZJAŠNJAVANJE.

Sekretar po ovlaštenju Almira Kulovac Šetkić:

1. Ademović Kemal – ZA
2. Akšamija Goran - PROTIV
3. Aljović Hamed - ZA
4. Babić Ana – ZA
5. Bajrović Izudin - ZA
6. Bjelak Nermin - ZA
7. Bukva Sejo – PROTIV
8. Čelik Mirza - ZA
9. Čomor Eldar - ZA
10. Ćudić Sabina – OPRAVDANO ODSUTNA
11. Delalić Sabahudin – OPRAVDANO ODSUTAN

12. Dizdarević Neira – OPRAVDANO ODSUTNA
13. Dovadžija Amar - ZA
14. Filipović Selma – ZA
15. Forto Edin - PROTIV
16. Halilović Semir - ZA
17. Kerla Bibija - PROTIV
18. Kojović Predrag -PROTIV
19. Kozadra Muhamed – ZA
20. Lakota Rasim - ZA
21. Marić Zvonko - ZA
22. Mašović Amor - ZA
23. Mehmedagić Mersiha – PROTIV
24. Mekić Amel – ZA
25. Mešanović Safet - ZA
26. Okerić Elvedin – ZA
27. Pecikoza Fahrudin - ZA
28. Pindžo Mirsad - PROTIV
29. Pleho Haris - ZA
30. Prevljak Fikret - ZA
31. Rađo Dževad - ZA
32. Smajić Rasim - ZA
33. Srna-Bajramović Segmedina - OPRAVDANO ODSUTNA
34. Šućur Slaviša - PROTIV
35. Vukasović Mario – PROTIV

NAKON POJEDINAČNOG IZJAŠNJAVANJA SKUPŠTINA JE VEĆINOM GLASOVA (22 "ZA", 9 "PROTIV") DONIJELA ZAKON O VISOKOM OBRAZOVANJU.

Zastupnik Predrag Kojović je intervenisao u smislu skraćivanja dnevnog reda sjednice, te apelovao na Vladu da stave prioritetne tačke prve na dnevni red i nakon toga da se prekine rad, s obzirom da su teški uslovi u kojima se radi.

NASTAVAK NAKON PAUZE

AD - 7.

PRIJEDLOG ZAKONA O PROGLAŠENJU ZAŠTIĆENOG PEJZAŽA "BENTBAŠA"

Prijedlog zakona su zastupnici dobili uz poziv za sjednicu.

Zastupnica Selma Filipović kao predstavnik Komisije za poljoprivredu, vodoprivredu, šumarstvo i prehrambenu industriju je izložila stav Komisije po ovom Prijedlogu zakona.

Nakon izlaganja predstavnika radnog tijela za pitanja i diskusiju su se prijavili zastupnik Edin Forto i Mirsad Pindžo.

Ministar Čedomir Lukić dao je odgovore na pitanja zastupnika.

PREDSJEDATELJICA JE ZAKLJUČILA RASPRAVU TE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O PROGLAŠENJU ZAŠTIĆENOG PEJZAŽA "BENTBAŠA".

SKUPŠTINA JE JEDNOGLASNO (30 "ZA") DONIJELA ZAKON O PROGLAŠENJU ZAŠTIĆENOG PEJZAŽA "BENTBAŠA".

AD -8.

PRIJEDLOG ODLUKE O OSNIVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA

Prijedlog odluke su zastupnici dobili uz poziv za sjednicu.

BEZ UVODNIH NAPOMENA I DISKUSIJE, ODMAH JE USLIJEDILO IZJAŠNJAVANJE O PRIJEDLOGU ODLUKE O OSNIVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA.

NAKON IZJAŠNJAVANJA PREDSEDATELJICA JE KONSTATovala DA JE SKUPŠTINA, JEDNOGLASNO, DONIJELA ODLUKU O OSNIVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA.

AD – 9.

PRIJEDLOG ODLUKE O DAVANJU SAGLASNOSTI NA SPORAZUM O IZGRADNJI POSLOVNOG OBJEKTA – VRTIĆA „RAZIGRANI DANI” I NAČIN I USLOVI KORIŠTENJA ISTOG SA OPĆINOM CENTAR SARAJEVO I DAVANJE SAGLASNOSTI MINISTRU ZA OBRAZOVANJE, NAUKU I MLADE, ZA ZAKLJUČIVANJE SPORAZUMA O IZGRADNJI POSLOVNOG OBJEKTA – VRTIĆA „RAZIGRANI DANI” I NAČIN I USLOVI KORIŠTENJA ISTOG SA OPĆINOM CENTAR SARAJEVO

Prijedlog odluke su zastupnici dobili uz poziv za sjednicu.

Pitanja i diskusiju po ovoj tački dnevnog reda su imali sljedeći zastupnici: Edin Forto, Mirsad Pindžo i Safet Mešanović.

Ministar za obrazovanje, nauku i mlade Elvir Kazazović i Premijer Elmedin Konaković su davali dodatna obrazloženja te odgovore na pitanja zastupnika.

PREDSJEDATELJICA JE ZAKLJUČILA RASPRAVU TE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA SPORAZUM O IZGRADNJI POSLOVNOG OBJEKTA – VRTIĆA „RAZIGRANI DANI” I NAČIN I USLOVI KORIŠTENJA ISTOG SA OPĆINOM CENTAR SARAJEVO I DAVANJE SAGLASNOSTI MINISTRU ZA OBRAZOVANJE, NAUKU I MLADE, ZA ZAKLJUČIVANJE SPORAZUMA O IZGRADNJI POSLOVNOG OBJEKTA – VRTIĆA „RAZIGRANI DANI” I NAČIN I USLOVI KORIŠTENJA ISTOG SA OPĆINOM CENTAR SARAJEVO.

Premijer Elmedin Konaković je informisao da će se dopuniti Sporazum dodatnim Zaključkom.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (30 "ZA") DONIJELA OVU ODLUKU.

AD – 10.

PRIJEDLOG ODLUKE O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Prijedlog odluke su zastupnici dobili kao dopunski materijal.

BEZ UVODNIH NAPOMENA I DISKUSIJE, ODMAH JE USLIJEDILO IZJAŠNJAVANJE O PRIJEDLOGU ODLUKE O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO.

NAKON IZJAŠNJAVANJA KONSTATOVANO JE DA JE SKUPŠTINA JE JEDNOGLASNO (30 "ZA") DONIJELA ODLUKU O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO.

AD – 11.

PRIJEDLOG ODLUKE O DAVANJU OVLAŠTENJA ZA OBAVLJANJE FUNKCIJE SEKRETARA SKUPŠTINE KANTONA SARAJEVO

Prijedlog odluke su zastupnici dobili kao dopunski materijal.

USLIJEDILO JE IZJAŠNJAVANJE PO NAVEDENOJM PRIJEDLOGU ODLUKE I SKUPŠTINA JE JEDNOGLASNO (30 "ZA") DONIJELA ODLUKU O DAVANJU OVLAŠTENJA ZA OBAVLJANJE FUNKCIJE SEKRETARA SKUPŠTINE KANTONA SARAJEVO.

AD – 12

a) PRIJEDLOG ODLUKE O STANDARDIMA I KRITERIJIMA ZA IMENOVANJE NA POZICIJU ČLANOVA NEZAVISNOG ODBORA;

b) PRIJEDLOG ODLUKE O STANDARDIMA I KRITERIJIMA ZA IMENOVANJE PREDSEDNIKA I ČLANOVA NADZORNOG ODBORA KANTONALNE AGENCIJE ZA PRIVATIZACIJU

PRIJAVLJENIH ZA DISKUSIJU NIJE BILO PA JE USLIJEDILO IZJAŠNJAVANJE:

a)

ZASTUPNICI SU PRISTUPILI IZJAŠNJAVANJU O PRIJEDLOGU ODLUKE O STANDARDIMA I KRITERIJIMA ZA IMENOVANJE NA POZICIJU ČLANOVA NEZAVISNOG ODBORA.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (30 "ZA") DONIJELA OVU ODLUKU.

b)

ZASTUPNICI SU PRISTUPILI IZJAŠNJAVANJU O PRIJEDLOGU ODLUKE O STANDARDIMA I KRITERIJIMA ZA IMENOVANJE PREDSEDNIKA I ČLANOVA NADZORNOG ODBORA KANTONALNE AGENCIJE ZA PRIVATIZACIJU.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (30 "ZA") DONIJELA OVU ODLUKU.

S OBZIROM NA VAŽNOST POJEDINIH TAČAKA, SA DNEVNOG REDA 32.SJEDNICE SKINUTE SU SLJEDEĆE TAČKE DNEVNOG REDA:

13. Prijedlog odluke o izmjeni Odluke o preuzimanju prava osnivača Javne ustanove Studentski centar Sarajevo u dijelu kojim obezbjeđuje životni standard studenata („Službene novine Kantona Sarajevo“, broj: 24/00, 21/06 i 45/15);

14. Prijedlog odluke o davanju saglasnosti na Nacrt sporazuma o regulisanju međusobnih prava i obaveza između Kantona Sarajevo - Ministarstvo saobraćaja i Općine Trnovo na zajedničkoj izgradnji podzemne garaže na Bjelašnici;

15. Prijedlog odluke kojom se Ministarstvu za boračka pitanja Kantona Sarajevo daje saglasnost da može pristupiti potpisivanju Anexa na Ugovor o udruživanju sredstava za dodjelu stana u vlasništvo pripadnicima boračkih populacija broj OPU-IP: 373/2017 od 03.05.2017. godine, koji će biti zaključen pred Jasminom Selimović, notarom iz Sarajeva između „Fonda Kantona Sarajevo za izgradnju stanova za članove porodica šehida i poginulih boraca, ratnih vojnih invalida, demobilisane borce i prognane osobe“ kao prodavca i Ministarstva za boračka pitanja Kantona Sarajevo, kao udružioca sredstava, kojim je izmijenjena obaveza Ministarstva za boračka pitanja tako da umjesto 907.857,30 KM koliko je bilo predviđeno osnovnim Ugovorom koji je predmet Anexa, obaveza treba iznositi 982.957,20 KM.

16. Prijedlog odluke o davanju naziva novoizgrađenoj ulici u naselju Donja Vogošća na području Općine Vogošća;

17. Prijedlog odluke o izmjeni naziva ulice, odnosno preimenovanju ulice na području Općine Stari Grad;

18. Prijedlog odluke o davanju naziva dijela šetnice na području Općine Stari Grad;

IZVJEŠTAJ O POSLOVANJU KJKP „VODOVOD I KANALIZACIJA“ D.O.O. SARAJEVO ZA 2016. GODINU

Izvještaj su zastupnici dobili uz poziv za sjednicu.

Ministar komunalne privrede i infrastrukture Senad Hasanspahić je podnio uvodne napomene po ovom Izvještaju, a zatim se Skupštini obratio i premijer Elmedin Konaković.

Po Izvještaju o poslovanju KJKP "Vodovod i kanalizacija" d.o.o. Sarajevo za 2016.godinu pitanja i diskusiju su imali: zastupnik Mario Vukasović, zastupnik Kemal Ademović, zastupnik Semir Halilović, zastupnik Zvonko Marić, zastupnik Bibija Kerla, zastupnik Mersiha Mehmedagić, zastupnik Edin Forto, zastupnik Safet Mešanović i zastupnik Rasim Smajić.

Odgovore na pitanja zastupnika vezano za navedeni Izvještaj dali su ministar Senad Hasanspahić i premijer Elmedin Konaković.

Skupštini se obratio i direktor KJKP "Vodovod i kanalizacija" d.o.o. Sarajevo Nezir Hadžić.

NA ZAHTJEV ZASTUPNIKA RASIMA SMAJIĆA USLIJEDILO JE POJEDINAČNO IZJAŠNJAVANJE PO IZVJEŠTAJU O POSLOVANJU KJKP „VODOVOD I KANALIZACIJA“ D.O.O. SARAJEVO ZA 2016. GODINU

Sekretar po ovlaštenju, Almira Kulovac Šetkić:

1. Ademović Kemal – SUZDRŽAN
2. Akšamija Goran - PROTIV
3. Aljović Hamed - ZA
4. Babić Ana – SUZDRŽANA
5. Bajrović Izudin - SUZDRŽAN
6. Bjelak Nermin – ZA
7. Bukva Sejo - PROTIV
8. Čelik Mirza – ZA
9. Čomor Eldar - ZA
10. Ćudić Sabina – OPRAVDANO ODSUTNA
11. Delalić Sabahudin – OPRAVDANO ODSUTAN
12. Dizdarević Neira – OPRAVDANO ODSUTNA
13. Dovadžija Amar - ODSUTAN
14. Filipović Selma – SUZDRŽANA
15. Forto Edin - PROTIV
16. Halilović Semir – PROTIV
17. Kerla Bibija - ZA
18. Kojović Predrag - PROTIV
19. Kozadra Muhamed – ZA
20. Lakota Rasim - SUZDRŽAN
21. Marić Zvonko - SUZDRŽAN
22. Mašović Amor - ODSUTAN
23. Mehmedagić Mersiha – PROTIV
24. Mekić Amel – ZA
25. Mešanović Safet - ZA
26. Okerić Elvedin – ODSUTAN

- 27. Pecikoza Fahrudin - SUZDRŽAN
- 28. Pindžo Mirsad - PROTIV
- 29. Pleho Haris - ZA
- 30. Prevljak Fikret - ZA
- 31. Rađo Dževad - SUZDRŽAN
- 32. Smajić Rasim - ZA
- 33. Srna-Bajramović Segmedina – OPRAVDANO ODSUTNA
- 34. Šućur Slaviša - ODUSTAN
- 35. Vukasović Mario – PROTIV

SKUPŠTINA (11 "za", 8 "protiv" i 8 "suzdržano") NIJE USVOJILA IZVJEŠTAJ O POSLOVANJU KJKP „VODOVOD I KANALIZACIJA“ D.O.O. SARAJEVO ZA 2016. GODINU.

Premijer Elmedin Konaković je informisao da će Vlada održati sjednicu na kojoj će razmatrati razrješenja Skupštine preduzeća te imenovanja vršilaca dužnosti za KJKP "Vodovod i Kanalizacija".

AD – 20.

PRIJEDLOG ZAKLJUČKA O PRIJEDLOGU MJERA ZA SANACIJU I REORGANIZACIJU KJKP „GRADSKI SAOBRAĆAJ“ D.O.O. SARAJEVO

Prijedlog zaključka su zastupnici dobili uz poziv za sjednicu.

Predsjedateljica je informisala da je Zakonodavno-pravna komisija na sjednici 26.07.2017. godine razmatrala predloženi zaključak I dala mišljenje da postoji pravni osnov za donošenje Prijedloga zaključka, ali zaključci od 1-45 nisu usklađeni sa pravnim sistemom.

Zastupnik Kemal Ademović kao predsjedavajući Zakonodavno-pravne komisije je dao objašnjenje: "Dakle, prije svega prvi zaključak nije u skladu sa pravnim sistemom, dakle ovdje se govori o reprogramiranju poreskih obaveza na 30 godina što Zakon ne podržava, ne prepoznaje. I ovu odredbu treba Vlada da ispravi zaključak, da kaže da je to najdužem mogućem trajanju."

Premijer Elmedin Konaković je informisao da Vlada prihvata stav Komisije te da će se Zaključak izmjeniti i uskladiti sa Mišljenjem Komisije.

Ministar saobraćaja Mujo Fišo je podnio uvodne napomene i nakon njegovog izlaganja pitanja i diskusiju imali su sljedeći zastupnici: Predrag Kojović, Sejo Bukva, Edin Forto, Semir Halilović Eldar Čomor, Mirsad Pindžo, Kemal Ademović i Muhamed Kozadra.

Predsjedateljica je informisala o zaključku Kluba samostalnih zastupnika:

"Klub samostalnih zastupnika Skupštine Kantona Sarajevo traži da se izjasni Skupština Kantona o zaključku da se privremeni upravitelj KJKP Gras da svaka tri mjeseca izvijesti Vladu i skupštinu Kantona Sarajevo o provedenim mjerama sanacije u Gras".

SKUPŠTINA JE JEDNOGLASNO (29 "ZA") USVOJILA SLJEDEĆI ZAKLJUČAK:

"Obavezuje se privremeni upravitelj KJKP "GRAS" Sarajevo da tromjesečno izvještava Skupštinu i Vladu Kantona Sarajevo o realizaciji provedenih mjera u sanaciji KJP "GRAS" Sarajevo. "

NAKON IZJAŠNJAVANJA O ZAKLJUČKU USLIJEDILO JE IZJAŠNJAVANJE PO PRIJEDLOGU MJERA ZA SANACIJU I REORGANIZACIJU KJKP GRAS SARAJEVO.

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (27 "ZA" I 2 "PROTIV") USVOJILA OVE ZAKLJUČKE.

NAKON REALIZACIJE OVE TAČKE DNEVNOG REDA, PREDSJEDATELJICA JE ZAKLJUČILA RAD NA 32.SJEDNICI TE INFORMISALA DA ĆE SE NASTAVAK ODRŽATI U NAREDNOM PERIODU.

Zapisnik izradila:

Jasminka Deliahmetović

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. Pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić